

酉陽雜俎

附續集

一



三
六
酉
陽
雜
俎
附
續
集
陳
錄
集
(一)
段
成
式
撰

酉陽雜俎

集附續

二



酉陽雜俎

附續集

三



11839

酉陽
雜俎

附錄
集

—

段成式撰

中華



11840

酉陽雜俎

附續
集

一一

段成式撰

中華書局

11841

酉陽雜俎

附集續

三

段成式撰

中華書局

叢書集成初編

西陽雜俎 三冊

中華書局 出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘二〇九二毫米三十二分之一

統一書號：一七〇一八·一五一

叢書集成初編所選稗海及津逮祕書龍威祕書學津討原皆收有此書龍威僅三卷非全本稗海津逮學津皆三十卷本稗海漫漶譌敝津逮本無宋人三篇後序學津有故據學津本排印並附津逮本所載段成式原序及續集毛晉跋於後又龍威祕書收有諾皋記一書已見此書十四十五兩卷故不重出

四庫全書提要

酉陽雜俎二十卷。續集十卷。唐段成式撰。成式字柯古。臨淄人。宰相文昌之子。官至太常卿。事蹟具唐書本傳。是書首有自序云。凡三十篇。爲二十卷。今自忠志至肉攫部。凡二十九篇。尙闕其一。考語資篇後有云。客徵鼠蝨事。余戲摭作破蝨錄。今無所謂破蝨錄者。蓋脫其一篇。獨存其篇首引語。綴前篇之末耳。至其續集六篇十卷。合前集爲三十卷。諸史志及諸家書目竝同。而胡應麟筆叢云。酉陽雜俎。世有二本。皆二十卷。無所謂續者。近於太平廣記中鈔出續記。不及十卷。而前集漏帙者甚多。悉鈔入續記中。爲十卷。俟好事者刻之。又似乎其書已佚。應麟復爲鈔合者。然不知應麟何以得其篇目。豈以意爲之耶。其書多詭怪不經之談。荒渺無稽之物。而遺文祕籍。亦往往錯出其中。故論者雖病其浮誇。而不能不相徵引。自唐以來。推爲小說之翹楚。莫或廢也。其曰酉陽雜俎者。蓋取梁元帝賦訪西陽之逸典語。二酉藏書之義也。其子目有曰諾臯記者。吳曾能改齋漫錄。以爲諾臯。太陰神名。語本抱朴子。未知確否。至其貝編。玉格。天咫。壺史諸名。則在可解不可解之間。蓋莫得而深考矣。

酉陽雜俎後序

右酉陽雜俎二十卷。唐段成式少卿所撰也。余舊不識此書。惟見諸家詩詞多引據其說。及假來此。以其書之所名者訪焉。則無有也。郡博士管君容成偶得之。以示余。其書類多仙佛詭怪。幽經祕錄之所出。至於推析物理。器奇藝絕。廣動植等篇。則有前哲之所未及知者。其載唐事。修史者或取之。按唐史。成式世居青徐。齊褒公志元四世孫。宰相文昌子也。文昌少客荊州。酉陽。荆之屬。成式豈嘗寓遊于此耶。余聞方輿記云。昔秦人隱學於小西山石穴中。有所藏書千卷。梁湘東王尤好聚書。故其賦曰。訪酉陽之逸典。或者成式以所著書有異乎世俗。故取諸逸典之義以名之也。然自唐以前。雜家小說。今既不得。而瑣碎之觀。未有近于此者。詎可棄之而不存乎。且其書以酉陽名。而客之過此者。未嘗不以是書爲問也。因刻之於此。以備客對。嘉定七禩甲戌十月既望。永康周登書。

段成式酉陽雜俎三十卷。唐書藝文志載之於丙部子錄小說家。今陳君所刊。止前集二十卷。又缺其序。余以家藏續集十卷。并前集之序畀之。遂爲全書。謹按成式出于將相之胄。襲乎珪組之榮。而史氏稱其博學強記。且多奇篇祕籍。今考其論撰。蓋有書生終身之所不能及者。信乎其爲博矣。然是書也。世所罕睹。是以周使君訪之而無有。管博士得之而未全。余家聚書萬有餘卷。與編隱映居多。而此書偶在所錄。陳君知而求之甚力。姑序所以。俾廣其傳。嘉定癸未六月既望。武陽鄧復應甫題。

附津逮祕書本西陽雜俎卷首段成式序及續集卷末毛跋

西陽雜俎序

唐 太常少卿段成式撰

夫易象一車之言，近於恠也。詩人南箕之興，近乎戲也。固服縫掖者，肆筆之餘，及恠及戲，無侵於儒，無若詩書之味大羹，史爲折俎，子爲醯醢也。炙鴟羞鼈，豈容下箸乎？固役而不恥者，抑志恠小說之書也。成式學落詞曼，未嘗覃思，無崔駰真龍之歎，有孔璋畫虎之譏。飽食之暇，偶錄記憶，號西陽雜俎，凡三十篇，爲二十卷，不以此閒錄味也。

跋

西陽雜俎前集，余旣已梓之矣。茲續集也，前後俱有諸臯記，其命名之義，從來難解。宋人有以中行獻子許梗陽人巫臯等事爲解，理或近之。或曰：靈奇祕要辟兵法，有咒曰：諸臯，則益近於誕矣。寺塔記載長安兩街梵刹，徵釋門事甚委，更著壁障繪畫，而不及土木之宏麗，蓋以文皇帝掃靖一處烟塵，便建一伽藍爲功德，其輦轂之下，已有燕許諸公立金石而表彰之，柯古不作贅疣也。若與楊街之對案，西京東都，各自生面。癸酉嘉平月，鐫王告竣，漫爲識。湖南毛晉。

酉陽雜俎目錄

卷之一

忠志

禮異

天咫

卷之二

玉格

壺史

卷之三

貝編

卷之四

境異

喜兆

禍兆

物革

卷之五

詭習

怪術

卷之六

藝絕

器奇

樂

卷之七

酉陽雜俎 目錄

酒食

醫

卷之八

黥

雷

夢

卷之九

事感

盜俠

卷之十

物異

卷之十一

廣知

卷之十二

語資

卷之十三

冥跡

尸窆

卷之十四

諾臯記上

卷之十五

諾鼻記下

卷之十六

廣動植之一

羽篇

毛篇

卷之十七

廣動植之二

鱗介篇

蟲篇

卷之十八

廣動植之三

木篇

卷之十九

廣動植之四

草篇

卷之二十

肉攪部

酉陽雜俎卷一

志

唐 臨淄段成式柯古撰

高祖少神勇。隋末嘗以十二人破草賊。號無端兒。數言。又龍門戰。盡一房箭。中八十人。

太宗虬鬚。嘗戲張弓挂矢。好用四羽大箭。長常箭一膚。射洞門闌。上嘗觀獵於西宮。見魚躍焉。問其故。漁者曰。此當乳也。於是中綱而止。

骨利幹國獻馬百疋。十疋尤駿。上爲製名。決波駘者。近後足有距。走歷門三限不躓。上尤惜之。隋內庫有交臂玉猿。二臂相貫如連環。將表其轡。上後嘗騎與侍臣遊。惡其飾。以鞭擊碎之。一曰。文皇御

貞觀中。忽有白鵲構巢於寢殿前槐樹上。其巢合歡如腰鼓。左右拜舞稱賀。上曰。我嘗笑隋煬帝好祥瑞。瑞在得賢。此何足賀。乃命毀其巢。鵲放於野外。

高宗初扶牀。將戲弄筆。左右試置紙於前。乃亂畫滿紙。角邊畫處。成草書勅字。太宗遽令焚之。不許傳外。則天初誕之夕。雌雉皆雄。右手中指有黑毫。左庭如黑子。引之長尺餘。

略賓王爲徐敬業作檄。極疏大周過惡。則天覽及蛾眉不肯讓人。狐媚偏能惑主。微笑而已。至一抔之土。未乾。六尺之孤安在。不悅曰。宰相何得失如此人。

中宗景龍中。召學士賜獵。作吐陪行。前方後圓也。有二大雕。上仰望之。有放挫啼曰。臣能取之。乃懸死鼠。

於齋足。聯其目。放而釣焉。二雕果擊於齋盤。筱兔起前。上舉獨擊斃之。帝稱那庚。從臣皆呼萬歲。三月三日。賜侍臣細柳圈。言帶之免毒。

寒食日。賜侍臣帖綵毵草宜臺。

立春日。賜侍臣綵花樹。

臘日。賜北門學士口脂蠟脂。盛以碧鏤牙筒。

上嘗夢日一作白鳥飛。蝙蝠數十。逐而墮地。驚覺。召萬回僧曰。大家卽是上天時。翌日而崩。

睿宗嘗閱內庫。見一鞭。金色。長四尺。數節。有蟲齧處。狀如盤龍。靶上懸牙牌。題象耳皮。或言隋宮庫舊物也。上爲冀王時。寢齋壁上。蝸跡成天字。上懼。遽掃之。經數日如初。及卽位。雕玉鑄黃金爲蝸形。分置於釋道像前。

元宗禁中嘗稱阿瞞。亦稱鴉。壽安公主曹野那姬所生也。以其九月而誕。遂不出降。常令衣道服。主香火。小字蟲娘。上呼爲師娘。爲太上皇時。代宗起居。上曰。汝在東宮。甚有令名。因指壽安蟲娘爲鴉女。汝後與一名號。及代宗在靈武。遂令蘇澄尙之。封壽安焉。

天寶末。交趾貢龍腦。如蟬蠶形。波斯言。老龍腦。樹節方有。禁中呼爲瑞龍腦。上唯賜貴妃十枚。香氣徹十餘步。上夏日嘗與親王。基令賀懷智獨彈琵琶。貴妃立於局前。觀之。上數子將輸。貴妃放康國獨子於坐側。獨子乃上局。局子亂。上大悅。時風吹貴妃領巾於賀懷智巾上。良久。回身方落。賀懷智歸。覺滿身。

香氣非常。乃卸幃頭貯於錦囊中。及上皇復宮闕。追思貴妃不已。懷智乃進所貯幃頭。具奏它日事。上皇發囊泣曰。此瑞龍腦香也。

安祿山恩寵莫比。錫賚無數。其所賜品目。有桑落酒。闕尾羊窟利。馬酪。音聲人兩部。野猪鮮。

鯽魚并鎗手刀子。清酒。大錦。蘇造真符寶璽。餘甘煎。遼澤野雞。五朮湯。金石凌湯一劑。

及藥童昔賢子。就宅煎。蒸梨。金平脫犀頭匙箸。金銀平脫隔餛飩盤。金花獅子瓶。平脫著

足疊子。熟線綾接鞦。金大腦盤。銀平脫破觚。八角花烏屏風。銀鑿鑲鐵鎖。帖白_{一曰檀}

香牀。綠白平細背席。繡鵝毛氈。兼令瑤令光就宅張設。金鸞紫羅緋羅立馬寶。雞袍。龍鬚

夾帖。八斗金渡銀酒瓮。銀瓶。平脫掬魁織錦筐。銀篋籬。銀平脫食臺盤。油畫食藏。又貴妃

賜祿山金平脫裝具玉合。金平脫鐵面梳。

肅宗將至靈武一驛。黃昏。有婦人長大。攜雙鯉。屹於營門曰。皇帝何在。衆謂風狂。遽白上。潛視舉止。婦人

言已止。大樹下。軍人有逼視。見其臂上有鱗。俄天黑。失所在。及上卽位。歸京闕。虢州刺史王奇光奏女

媧墳。云天寶十三載。大雨晦冥。忽沈。今月一日夜。河上有人覺風雷聲。曉見其墳湧出。上生雙柳樹。高

丈餘。下有巨石。兼畫圖進。上初克復。使祝史就其所祭之。至是而見。衆疑向婦人其神也。

代宗卽位日。慶雲見。黃氣抱日。初。楚州獻定國寶一十二。乃詔上監國。詔曰。上天降寶。獻自楚州。神明生

歷數之符。合璧定妖災之氣。初。楚州有尼真如。忽有人接去天上。天帝言。下方有災。令此寶鎮之。其數